

fuisset, et solitariam secessurus; et iam aliqua fundamenta, aliqua primordiâ conceperat, si modo michi mens nota eius. Sed inexorabilis ordo factorum, qui pro libito trahit retrahitque frequenter actus humanos, tam pio conceptui mortis obiectu aditum interclusit. Sed de hoc alias.

30 Ut autem inceptum prosequar, Ille quondam opinione mea Vir ingens et admirabilis, bonus ac per omnia utilis, cuius laudes non centum linguis, non voce ferrea ad unguem exprimere possim, hoc statuit apud me virtutibus suis, ut quicquid diceret lex esset, quicquid suasisset fuisset imperium omni cultu, omni observantia dignum. Ab ipso igitur citra te colui, inque raris et electis posui, ac dignus es visus, quem in patrem amicum et fratrem haberem, et meritis tuis et testimonio tanti viri. Si quidem, ut tibi mentis archanum detegam, ego, licet nullus sim penitus, si quando tamen in tanta egestate virtutum, in tot corruptis et depravatis moribus bonum quemquam vel probum audio, illum tacitus veneror, ipsum colo ut numen deumque, et gaudeo mecum quod non sit orbis no-
40 ster destitutus omnino, quodque ad extremam sortem malorum in quam, ut auguror, tandem rellabi genus humanum necesse est, non pervenerimus, aliquo celesti beneficio reservati.

Verg.
Aen. VI 625-6.

Habes itaque affectum meum ad summam, cuius si certum tempestivius te non feci, excusant occupationes, excusat sors mea, que a tempore notitie tue ad varias regiones, ad loca diversa variis casibus materiam dantibus divertere me coegit, in quibus, ut totum explicem, distractus sum a curis honestis, dum ad exercicia vulgaris familiari sarcina pressus me applico. Denique tenuit me pudor, tenuit suspecta novitas, dum nescio quibus verbis alloqui ingrediar
50 hominem non antea eloquio notum, veritus nugis meis turbare iocundum ocium tuum, dumque placere propono, displiceam incautus. Pro benigno autem principio tuo grates ago, quas ex intimis cordis valeo, insufficientes fateor, sed a tota mente, a toto spiritu prodeuntes, illasque suppleat oro omnipotens Deus.

Reliquum est, ut quod, virtute amici, omnis virtutis et honestatis alumni, inter nos conciliatum est olim, nulla dessidia, nullus

³⁰ Vi. M. L. possem. hoc] L. hic. ³² Vi. M. L. persuasisset. ⁴³ Vat. summa M. L. summum. ⁴⁵ M. L. varias ad regiones. ⁴⁷ ad] Vi. M. L. om.
⁵⁴ Vi. displicem M. L. displicere. ⁵³ Vi. insufficiens. ⁵⁶ nulla] Vi. nullus.